



13
1787
74



門 13
1787
74



老子天下有道却走馬以糞天下無道戎馬生于郊

列子秦穆公謂伯樂曰子之年長矣子姓有可使求馬伯樂對

曰良馬不可以形容筋骨相也天下之馬若滅若沒若亡若失

臣之子皆下材也臣有所與九方臯其相馬非臣之比也穆公

見之使行求馬三月而反報曰已得之於沙丘穆公曰何馬對

曰牝而黃使人往取之牡而驪公不悅謂伯樂曰敗矣子之所

求馬者色物牝牡弗能知又何馬之能知也伯樂曰若臯之所

觀天機也得其精而忘其麓在其內而忘其外馬至果天下之

良馬也

莊子夫馬陸居則食草飲水喜則交頸相靡怒則分背相踶馬
知已此矣夫加之以衡扼齊之以月題而馬知介倪闔扼執鸞

詭術竊轡故馬之智而能至盜者伯樂之罪也

李伯樂相馬經馬生下墮地無毛行千里尿舉一脚行百里鬮筋堅者千里馬膝如團翅千里馬一歲上下齒二十四歲齒黃三十三歲齒白馬頭為王欲得方目為丞相欲得明脊為將軍欲得強腹為城廓欲得張四下為令欲得長眼欲得高匡眼睛欲得如懸鈴紫艷光眼下懸蚕懸鑿欲得成鼻孔欲得大鼻頭欲得有王火字口中欲得赤膝骨欲圓而張耳欲相近而豎小而厚伏龍骨欲得成頸欲得長雙跖欲得大而突蹄欲得厚腹下欲得平有八字尾骨欲得高而垂凡相馬之法先除三羸五羸乃相其餘大頭小頭一羸也弱脊大腹二羸也小脰大蹄三羸也大頭緩耳一駑也長頸不折二駑也短上長下三駑也大

駑短脅四駑也淺髓薄脾五駑也

呂覽古之善相馬者寒風是相口齒麻朝相頰子女厲相目衛忌相髭許鄙相尻投伐褐相胃脅管青相臍胸陳悲相股脚秦牙相前贊君相後凡此十人者皆天下之良工也其所以相馬者不同見馬之一徵也而知節之高卑足之滑易材之堅脆能之長短非獨相馬然也人亦有徵

韓非子如耳說衛嗣君君悅而太息左右曰公何為不相也公曰夫馬似鹿者而題之千金然而有百金之馬而無一金之鹿者馬為人用而鹿不為人用也今如耳萬乘之相也外有大國之意其心不在衛雖辨智亦不為寡人用吾是以不相也

淮南子馬

晏子春秋景公遊於紀得金壺有丹書曰勿食反魚無乘駑馬
晏子曰食魚不反無盡民力也不乘駑馬無馭不肖於側也景
公曰紀有此書何以亡曰藏之金壺不亡何待

穆天子傳天子命駕八駿之乘東遊至於皇澤使宮樂誥曰黃
之池其馬歎沙皇人威儀黃之澤其馬歎玉皇人壽穀拾遺記

行天下馭八龍之駿一絕地足不踐土二翻羽行越飛禽三奔
宵夜行萬里四超影逐日而行五踰揮毛色炳耀六超光一形
十影七騰霧乘雲而
行八挾翼身有肉翅

韓外傳田子方出見老馬問於御曰此何馬也曰故公家畜也
罷而不為用故放之田子方曰少盡其力而老棄其身仁者不
為也束帛贖之窮士聞之知歸心焉

史記楚莊王有愛馬衣以文綉置華屋下席以露沐啗以棗脯
馬死欲以大夫禮葬之樂人優孟入殿門大哭曰請以君禮葬
之以睢玉為鞍文梓為槨豫章為題湊發兵為壙老弱負土諸
侯聞之皆知大王賤人而貴馬也王曰為之柰何曰請為王言
六畜之墓籠竈為之槨銅瀝為之棺齊以薑桂薦以木蘭衣以
火光葬人腹中王乃以馬屬太官無令天下知聞也

漢書漢武天馬歌太乙貺兮天馬下露赤汗兮沫流赭志倣儻
兮精權奇音浮雲兮躡上馳體容與兮逝萬里今安匹兮龍
為友又太初四年貳師伐宛獲汗血馬作西極天馬之
歌西域賁蒲梢龍文魚目汗血之馬克於黃門

王褒頌駕齧膝駮乘旦王良執靶韓哀附輿縱馳騁驚忽如景
靡過都歷國蹶如歷塊追奔電逐遺風周流八極萬里一息人
馬相得也六韜商紂拘周伯於羗里太公與散宜生求雞斯之
乘以獻古今注曹真有馭馬名驚帆言如烈風之舉

輓也呂覽曰青龍之足遺風之乘師古

注馬行疾每在風前故遺風於後也

風俗通馬一疋俗說相馬及君子與人相疋或曰馬夜行目明照前四丈故曰一疋或曰度馬縱橫適得一疋或說馬死賣得一疋帛或云春秋左氏說諸侯相贈乘馬束帛帛為疋與馬之相疋耳顏回望吳門馬見一疋練孔子曰馬也然則馬之光景一疋長耳故後人號馬為一疋 疲馬不能度繩俗云馬羸不能度繩索若云不能度種萊畦塏也謹按齊有渑水裁廣三四步曰馬之疲乃不能度此水耳又曰蝦蟇一跳八尺再丈六從春至夏裸袒相逐無他所掉尾蕭蕭按蝦蟇無尾當言夏馬夏馬患蠅蚋掉尾擊之故蕭蕭也

東觀漢記天行天莫如龍行地莫如馬馬者六甲之本國之大

用安寧則以別尊卑之序有變則以濟遠近之難楊威河東賦

河兮涉西岳之曉晴舞馬賦光景貫風之美吐圖騰光之異

春秋說題辭地精為馬十二月而生應陰紀陽以合功故人駕馬任重致遠以利天下月度疾故馬善走張士簡賦資皎月而載生祖河房而挺授

西京雜記文帝自代還有良馬九匹皆天下之駿馬也一浮雲

一赤電一絕羣一逸驃一紫鸞騶一綠螭驄一龍子一麟駒一

絕塵號為九逸古今注秦始皇有七名馬追風白兔躡影追電龍翻銅雀晨鳧

世說傳玄乘輿馬賦曰往日劉備之初降也太祖賜之驄馬使自廐選之歷名馬以百數莫可意者次至下廐有的顱馬委棄莫視瘦瘠骨立備撫而取之眾莫不笑之馬超破蘇氏塢塢中

有駿馬百餘匹自起已下俱爭取肥好者而將軍龐德獨取一
驕馬形觀既醜眾亦笑之其後劉備奔于荊州馬超戰于渭南
逸足電發追不可及眾乃服馬張飛有玉追馬時歌曰人中有張飛馬中有玉追呂布有赤兔

馬時語曰人中有呂布馬中有赤兔

拾遺記曹洪武帝從弟家營產業駿馬成羣武帝討董卓夜行
失馬洪以其所乘馬上帝其馬號曰白鵠此馬走時惟覺耳中
風聲足似不踐地至汴水洪不能渡帝引洪上馬共濟行數百
里瞬息而至馬足毛不濕時人謂之乘風而行一代神駿也諺

曰憑空虛躍曹家白鵠

升庵集追風速日上取天文歷塊絕塵下取地理綠蛇青虬取於龍紫燕黃鵠

取於鳥草木則桃花艾葉蘭筋蒲稻米色則玄黃赭白等

獨異志東晉大將軍趙固所乘馬暴卒將軍悲惋客至吏不敢

通郭璞造門語曰余能活此馬將軍遽召見璞令三十人悉持
長竿東行三十里遇丘陵社林即散擊俄頃擒一獸如猿持歸
至馬前獸以鼻吸馬馬起躍如故今以獼猴置馬廐中此其義
也

南史梁武帝有良馬名照殿玉獅子太清元年四月神馬出詔

以馬寶示羣臣簡文時為皇太子獻頌

尸子我得民而治則馬有紫燕蘭池秀驥逢騄

北史隋文帝所乘騮馬脊有肉鞍

煬帝賜李景馬一尺名獅子結

回紇傳唐太宗時東骨利幹國產良馬首似橐駝筋骸壯大日
中馳數百里太宗時其大酋候斤因使者獻之帝取其異者號
十驥皆為美名曰騰霜白曰皎雪驄曰凝露驄曰懸光驄曰決
波驄曰飛霞驄曰發電赤曰流金馱曰翔麟紫曰奔虹赤厚禮

其使

太宗破竇建德所乘馬黃
驄命樂工製黃驄疊曲

通鑑吉頊與武懿宗爭趙州功太后不悅它日頊奏事太后曰
太宗有馬名獅子驄肥逸無能調馭者朕為宮女侍側言于太
宗曰妾能制之然須三物一鐵鞭二鐵槌三七首鐵鞭擊之不
服則以槌槌其首又不服則以七首斷其喉太宗壯朕之志今
日卿豈足污朕七首耶

秦再思紀異錄天寶中大宛國進汗血馬六匹一紅叱撥二紫
叱撥三青叱撥四黃叱撥五丁香叱撥六桃花叱撥上乃製名
曰紅玉輦紫玉輦平山輦凌雲輦飛香輦百花輦復命圖於瑤
光殿乃改為觀驥殿雜錄上所乘有
玉花驄照夜白
長慶集德宗以八馬幸蜀七馬道斃惟望雲驄來往不頊貞元

中道死天廐元禎作歌以記之云登山縱似望雲驄平地須饒
紅叱撥

名畫錄開元天寶間承平日久世尚輕微多愛三花飾馬郭若
虛家藏貴戚閩馬圖中有三花馬蘇大參家有韓幹畫三花御
馬晏元獻家藏一畫魏國出行圖亦有三花馬三花者剪鬣為
三瓣白樂天詩云舞衣裁四葉馬鬣剪三花是也杜詩五花散
作雲滿身個個五花紋李詩五花馬千金裘開元內廐有飛黃
照夜浮雲五花之乘韓幹八馬圖二奚官
引連錢驄燕友驕
杜陽編代宗命御馬九花虬并紫玉鞭轡以賜郭子儀儀固讓
久之上曰此馬高大稱卿儀質不必讓也子儀身長八尺八寸
九花虬即范陽節度使李德山所獻貢也額高九寸毛拳如鱗

頭鬃鬣真虬龍也每一嘶則群馬聳耳以身被九花文號九

花虬德宗有二馬一號神智驄一號如意騮皆耳中有毛

引之可長一尺而進退緩急皆如上意故以是名之

杜甫驄馬行鄧公馬癖晉王濟乘馬不肯渡水曰馬必是惜連乾障泥去之乃渡杜預曰濟有馬癖

人共知初得花驄大宛種夙昔傳聞思一見牽來左右神皆竦

稚姿逸態何峭崿顧影驕嘶自矜寵隅目青熒夾鏡懸肉駿礮

礮連錢動高家舊賜公能取天廐真龍此其亞書洗頰騰涇渭

深朝趨可刷幽州夜吾聞良驥老始成此馬數年人更驚豈有

四蹄疾如鳥不與八駿俱先鳴容齋隨筆韓公人物畫記其叙

又有上者下者行者牽者奔者涉者陸者趨者顧者鳴者寢者並者立者斲者決者陟者降者磨者嘯者嘯者喜而相戲

事相與鬻者科者騎者驟者走者載服物載物者馬秦少游謂其序

事駿而不頌故倣之而作羅漢記坡公賦韓幹十四馬詩云二

馬並驅攢八跡二馬宛頸鬃毛齊一馬任前雙舉後一馬却避

長鳴嘶老髯奚官騎且顧前身作馬通馬語後有八匹飲且行

微流起吻若有聲前者既濟出林鶴後者欲波鶴兔吟最後一

疋馬中龍不嘶不動尾搖風韓生畫馬真是馬蘇子作詩如見

畫世有伯樂亦無歸此詩比畫隨當看詩之與記其體雖異其

為布置鋪寫則同謂坡公之語蓋不待見畫也子雲林繪畫中

有臨本畧無小異杜老觀曹將軍畫馬圖云昔日太宗拳殊絕

迥若寒空動烟雪霜蹄蹴踏長楸間馬官廝養森成列可憐九

馬爭神駿顧視清高氣深穩其語視東坡似若不及至於斯頰

九重真龍出一洗萬古凡馬空不妨獨步也

有碧紋如雲霞因目曰碧雲霞上征太原徃來乘之上下山嶺

如履平地上則屈前足下則屈後足上下如坐安輿不知登降

高下之勞圍人供芻粟或少倨則嘶鳴奮躍踈齧不已此尤異

他馬也上崩悲鳴不已不食骨立人不忍視真宗遣從靈駕至

永熙陵乃斃詔與桃花犬同坎葬

邵氏聞見錄仁宗御馬名玉逍遙色白乘之如輿輦圍人云馬行步有尺度疾徐皆中節御者行速則以足攔之一日燕王借乘即長鳴不行王怒還之帝以配南馬鋪久之復御其行如初帝升遐從葬至陵下悲鳴不食而死

程史九江成校王成者於淮上得病踰養之後亦惟成得乘之嘉定間成爲峒寇李元礪所殺馬悲鳴屍側賊將異而取之爲元礪第所得馳騁良愜其意后乘之以犯永新柵我軍出迎踰識旗幟亟馳賊覺有異大呼勒挽不止擊以鐵槊騰爲盡傷踰不復顧冒陣以入遂執之以徇于軍軍士鼓譟爭奮遂敗之居二日踰歸病傷不稔而死

百斛明珠志林云秦州進一馬駿如牛領下垂胡側立倒傾毛生肉端番人云此肉駿馬也乃知杜鄧公駿馬行云肉駿礮礮連錢動

怪志有人與奴俱得心腹病奴死剖視之得一白鼈取諸藥納口中不死後有人乘白馬來溺澣之乃縮頭縮脚試取馬溺澣之便消爲水病者乃飲馬溺一升便瘥

癸辛雜志畢再遇克州將家也開禧用兵諸將多敗事獨再遇累有功金虜認其旗幟即避之累遷至鎮江都統制後以老病致仕始居于雲有戰馬號黑大虫駿駟異常獨主翁能御之再遇既死其家以鐵絙繫之闌中適遇嶽祠迎神聞金鼓聲意爲赴敵於是長嘶奮迅斷絙而出其家慮傷人命健步十餘挽之

而歸乃好言戒之云將軍已死汝莫生事累我家馬聳耳以聽
汪然出涕喑啞長鳴數聲而斃嗚呼人之受恩而忘其主能無
愧乎

雙槐歲抄雲南越駁故地之西多薦草產善馬始生若羔歲中
紐莎縻飲以米藩七年可御日馳數百里世稱越駁駿見唐書
西域人殺羊而食埋其脛骨舉杵堅築久之羔從脛骨而生膾
未斷時馬傍踏振之即跳躍而起入饌肥腴最美其皮宜作書
得見吳萊淵頴集廣中温燭鴨卵輒出雛或以東廣火焙鴨對
西域骨種羊子謂不如草馬之尤奇也

牛

說文牡畜父也從牛土聲牝特牛父也一曰牝牝畜母也從牛

七聲特牛母也犢牛子也犛二歲牛也犛三歲牛也牝四歲牛
也牝騰驪牛也牝黑白雜毛牛也牝犏牛也犏牛白脊也犛黃
牛虎文也犛駁牛也特牛白脊也犛牛文駁如星也犛牛黃白
色也犛黃牛黑唇也犛白牛也犛牛長脊也犛牛徐行也犛牛
息聲也一曰牛名犛牛純色也犛牛柔謹也 物萬物也牛

為大物天地之數起於牽牛

山海經稷之孫曰叔均是始作牛耕

左傳秦潛伐鄭及滑鄭商人弦高將市於周遇之以乘常先牛
十二犛師曰寡君聞吾子將師涉於敝色敢犛從者且使遽告
于鄭秦將孟明日鄭有備矣滅滑而還

莊子庖丁為文惠君解牛手之所觸肩之所倚足之所履膝之
所踣砉然騞然奏刀騞然莫不中音合於桑林之舞乃中經首

之會文惠君曰善哉技蓋至此乎庖丁釋刀對曰臣之所好者道也進乎技矣始臣之解牛之時所見無非牛者三年之後未嘗見全牛也方今之時臣以神遇而不以目視官知止而神欲行依乎天理批大却導大窾因其固然技經肯綮之未嘗而况大軼乎良庖歲更刀割也族庖月更刀折也今臣之刀十九年矣所解數千牛矣而刀刃若新發於硎彼節者有間而刀刃者無厚以無厚入有間恢恢乎於遊刃必有餘地矣是以十九年而刀刃若新發於硎雖然每至於族吾見其難為怵然為戒視為止行為遲動刀甚微謀然已解如土委地提刀而立為之四顧為之嚮蹻滿志善刀而藏之文惠君曰善哉吾聞庖丁之言得養生焉

或聘于莊子莊子應其使曰子見夫犧牛乎

衣以文繡食以芻菽及其牽而入于太廟欲為孤犢其可得也齊寧戚相牛經牛岐胡壽岐幸兩眼去角近行駛眼欲得大眼中

中有白脉貫瞳子最快頸骨長且大駛壁堂欲得滿鄭段倚欲得如絆馬聚而正也膺庭欲得廣胃前天閑欲得成皆接骨雋骨欲得垂脊中央蘭秣欲得大尾豐岳欲得大材捶頭欲得高百體欲得緊垂星欲得有怒肉蹄上巴肉覆力柱欲得大而成當車骨也懸蹄欲得如八字陰虹屬頸陰虹者有雙筋陽鹽欲得廣陽鹽者夾尾體前兩臚上常有似鳴者有黃也洞胡無壽珠淵無壽旋毛當目下也上池有亂毛妨主凶上池骨中央也身欲得促形欲得如卷大腓踈肋難飴龍頭突目好跳豪筋欲得成就筋後橫也毛欲得短密若長踈不耐寒氣尾不用至地尾毛少骨多者有力膝上肉欲得豎角欲得

細鼻如鏡則雄牽口方易飴漿府方易飴成飯牛車下叩角而商歌曰南山矸白石

爛生不逢堯與舜神短布單衣終至骨長

夜漫漫何時旦齊桓公聞之遂舉以為相

說苑秦穆公使賈人載鹽徵諸賈人賈人買百里奚以五羖羊

之皮使車將之秦穆公觀鹽見百里奚牛肥曰任重道遠以險

而牛何以肥也對曰臣飲食以時使之不以暴有險先後之以

身是以肥也穆公知其君子也以爲上卿

孔叢子倚頓魯之窮士聞陶朱公富往問術馬告之曰子欲速

富當畜五特於是乃適西河大畜牛羊于倚氏之南十年之間

其滋息不可計貨擬王公馳名天下以興富倚氏故曰倚頓

山海經岷山多雙牛注今蜀山中有大牛重數千斤名爲雙牛

與元年此牛出上庸郡人弩射殺得二十八擔肉即爾雅

所謂擊

桓譚新論夫畜生賤也然有尤善者皆見記識故馬稱驊騮驥

騾牛譽郭椒丁櫟抱朴子擊雉免則鷲鳳不及鷹鷄引耕犁則龍鱗不逮雙特

後漢書梁冀遣客齋書請京兆并貨牛黃延篤殺之吳晉本草

牛黃味苦無毒牛出入呻者有之夜有光走角中牛死入膽中

如鷄子黃神農本草曰療驚癇除邪逐鬼

玄中記萬歲樹精爲青牛漢桓帝出遊河上忽有一青牛從河

中出走踢帝人皆驚走太尉何公時爲殿中將軍有勇力走洋

牛牛見公走還河公以手挽牛左足右手持斧斫牛頭而殺之

此青牛者萬年之木精也 大月支及西域胡有牛曰及牛

今日割取其肉三四斤明日其肉已復瘡即愈矣又有相去京

師五百里地面出雙筋牛能日行千里荀晞每得之以為異殺而觀之其雙筋如小竹大自頭挾脊着肉裡故外不覺

幽明錄元嘉中益州刺史吉翰遷為南徐州先於蜀中載一青

牛常自乘恒於目前養視翰構疾多日牛亦不肯食及亡牛流

涕滂沱吉氏喪未還都先遣驅牛向宅牛不肯行人知其異即

待喪喪既下船便隨去

後周書孟信家貧唯有一老牛其兄子賣以供薪米契券訖信

適從外來方知其賣因告買者曰此牛先來有病小用便發君

不須也杖其兄子買者嗟異苦請不得變化記貞元中海鹽縣有戴文者家富性貪每

所人舉積必收利數信有隣人與之交利刻剝至多隣人積恨

數年文病死隣人家牛生一黑犢助下白毛成字曰戴文問里

咸知文字子壯之乃求謝焉以物變去其字隣人從之既而文子

以牛身無驗乃訟隣人妄稱牛犢有字追至官則白手依然

出但呼戴文牛則應聲而至隣人恐文

文苑英華唐鳳閣侍郎李元素進瑞牛一頭額上有萬字賜馬

一疋李矯代為謝表云萬為盈數化成于大武之元物者粹文

煥炳於純離之畜

韓愈華傳下邳侯華華者其先隴西人也三十六代祖守健

為黃帝時以力召拜大司農以其開闢有功又知稼穡之艱難

遷輕車都尉子孫相繼至周武王時徙居桃林冠冕遂絕其後

人思其澤世之才因復其位而加任使焉齊地志東萊牛島上嘗以五月海牛產乳

海牛形似牛而無角駢色虎聲爪牙亦如虎脚似鼉魚尾似鮐

魚尾長尺餘其皮甚軟可供百用牛見人奔入水以杖擊鼻則

之得

僉載麗帝師養一特牛一赤犢于前後生五犢得絹一百疋及

翻轉至萬時號金犢子

酉陽漢建武二十一年有人騎白牛蹊人田田父訶詰之乃曰

吾比海使將看天子登封遂乘牛上山田父尋至山惟見牛跡

遺糞皆為銀明年世祖封禪 北人牛瘦者多以蛇灌鼻中

則為獨肝水牛有獨肝者殺人逆賊李希烈食之而死

杜詩較人獻微縮曾祝沉豪牛注穆天子傳天子至河宗奉璧

曾祝佐之祝沉牛馬羊豕又文山之民獻牯牛天子與之豪馬

豪牛 陸龜蒙詩五丁驅得神功盡二酉搜來秘檢疎

郭義恭廣記麒麟牛似鹿又似羊肉美皮温常處滇濱也

異物志州留者一名周留產於鬱林狀水牛蒼毛豕身角若擔

牙衛護其犢與虎為讐 海錄梧州出獨牛土人乘騎如馬謂之角乘風俗通賣牛勿怪前令不甚堪憐

解人故人不教

彙苑竹牛西夏出重數百斤角甚長而黑黃相間用以製方極

佳尤且健勁且近祀黑者謂之後醮近稍近祀俱黑而方而黃

者謂之王腰夏人常雜犀角以市馬人莫有知往時鎮江裨將

王詔遇有鬻犀帶者無他文但峰巒高低繞入腰圍耳索價甚

高人皆不能辨惟太尉辛道宗知此竹牛也為弓則貴為他則

不足道耳

驢

漢五行志靈帝於西園駕四白驢躬自操轡馳驅以為大樂公

卿貴戚轉相倣效夫驢服重致遠上下山谷野人所用耳何有

帝王君子駮御之乎遲鈍之畜而今貴之天意若曰國且大亂

凡執政者皆如驢也

何承天纂文驢一曰漢驢其子曰驢史記匈奴奇畜即驢騾也

晉書王濟卒將塋時賢無不畢至孫楚雅敬濟而後來哭之甚哀客莫不垂涕哭畢向靈床曰卿嘗好我作驢鳴我為卿作之體似聲真實皆笑楚顧曰諸君不死而令武子死乎

宋書袁淑九錫俳諧文爾乃長鳴上黨慷慨應邦崎嶇千里荷囊致餐用捷大勳歷世不刊斯實爾之功也音隨時興晨夜不默仰契玄象俯協漏刻應更長鳴毫分不忒雖挈壺著稱未足比德斯又爾之智也青脊絳身長頭廣額修尾後垂巨耳雙磔斯又爾之形也嘉麥既熟實湏精麵負磨迴衡迅若轉電惠我眾庶神祇獲薦斯又爾之能也是用遣中大夫閭丘臚以揚州之廬江江州之廬陵封爾為廬山公

南齊書王奐初拜僕射劉祥與奐子融載行至中堂見路人驅驢祥曰驢汝好為之如汝人才皆已令僕矣

北史魏元坦傲狼凶麤安豐王延明每切責之曰昔宋有東海王禕志性凡劣人號曰驢王我熟觀汝所作亦恐不免驢號當時聞者號為驢王

柳子厚集黔之驢有好事者船載以入放之山下虎見龐然大也蔽林視之驢一鳴虎大駭以為且噬已然往來視之覺無他技也益習其聲衝冒蹄之虎因喜計之曰技止此矣跳梁大噉盡其肉而去

撫言咸通末執政以進士車服僭差奏請不許乘馬時場中不下千人皆跨長耳或嘲之曰今年勅下盡騎驢短轡長揪滿九

衢清瘦兒即猶自可就中愁殺鄭昌圖鄭光業軀幹偉大故云
資暇集衛代呼驢為衛於文字未見今衛地出驢意在斯乎或
說以其有軸有槽譬如諸衛有胃曹也因目為衛

酉陽雜俎晉僧朗住金榆山及卒所乘驢上山失之時有人見
者乃金驢矣樵者往往聽其鳴響土人言金驢一鳴則天下太
平

揮犀嶺南有驛名翠嵐往來者多飼馬堂下吏止之不聽乃題
壁云犬馬本非堂上畜莫言郵舍暫經過大都人畜須分別不
聽鶯聲可柰何聽鶯聲者蓋昔人為驢吃牡丹賦云展似鐵之
雙蹄驚回蝶夢聳如船之兩耳不聽鶯聲驛吏之言出此
驛

說文驪父馬母也駃騠馬父驢母也

古今注驢為牝馬為牡則生羸馬為牝驢為牡

則生驕

漢書龜茲國王絳賓朝漢樂漢衣服制度歸國治宮室如漢家
儀外國胡人皆曰駃非驢馬非馬若龜茲王所謂羸也

開元傳信紀明皇將登封泰山益州進白驪至絜朗豐潤權奇
偉異上遂親乘之柔習安便不知登降之勞也告成禮畢復乘
而下纔及山址上休息未久有司言白驪無疾而殪上嘆異之
謚之曰白驪將軍

唐書吳少誠據蔡州地既少馬而廣畜驪乘之教戰謂之驪子
軍尤稱勇悍而甲仗皆畫為雷公星文以為厭勝

爾雅翼蜀中縣有馬與牛合而生者皆牛為牡馬為牝故今川

皆產騾生于廣者蹄輕產于蜀者蹄重以大武之遺體也馬力

前膺驢力在髀羸力在腰

曰悅字林麗狗多毛獨短喙犬獫犬吠不止獒犬如人心可使

初健犬狄赤犬狡小狗匈奴地有狡犬巨口而黑身優彼南越

名犬獯韓良犬狻宋良犬狴逐虎犬纂文守犬為獯隴西以犬為猶獯純多毛犬也狴狴

也知屈毛犬也

左傳吳徵會于衛子木曰長木之斃無不標也國狗之瘦無不

犬也而况大國乎
定詞兄有噬犬弟何欲易之以百兩卒無祿秦伯有齧犬弟鐵欲請之秦伯不與鐵以百兩金易之又不聽因逐鐵而奪其高

呂覽齊有善相狗者其隣籍之買鼠狗暮年而得曰良狗也其

鄰畜之數年不噉鼠以告相者曰此志在儲儲豕鹿不在鼠欲其鼠也則枉之其鄰枉其後足則狗取鼠

後漢書晉高辛氏有犬戎之寇帝募有能得其將吳將軍頭者厚賞之妻以少女時帝有畜狗其毛五采名曰槃瓠下令亡去

三月以其首來帝乃以女配之槃瓠負女而走入南山止石室中經三年生六男六女槃瓠死後因自相夫妻其母後歸以狀

白帝於是使迎致諸子賜以名山廣澤其後滋蔓號曰蠻夷今長沙武陵蠻是也高辛氏有老婦居王宇得耳疾挑之乃得物大如繭婦人盛瓠中覆之以槃俄頃化為犬

其文五色因名槃瓠

山海經陰山有獸其狀如狸白首素牙名曰天狗讚云足懸鉤

水口含素牙首類驤尾如騰蛇

風俗通桂陽太守汝南常叔堅少時為從事狗忽如人立而行
亦人皆言當即殺之叔堅曰犬馬喻君子狗見人行效之何傷
叔堅為郎還解冠榻上狗戴而走家人驚愕復云誤觸冠冠纓
挂著耳狗又於窀前畜火家益恠愕堅復曰兒婦在田中狗助
畜火幸可不煩隣里此有何怪遂不肯殺後數日狗自暴死卒

無他異叔堅至太尉終於位尹文子康衢長者字僅曰善博字
大曰善噬賓客不過其門三年長

者怪而問之以實對
於是改之賓客復往

魏罍丁謚外似踈濫而內明慧雖與何晏鄧颺等同列而皆少
之唯以聲勢屈於曹爽亦敬之言無不從故于時謗書謂臺中
二狗噬喋不可當一狗憑默作蛆囊三狗謂何鄧丁也默者爽

小字也言三狗皆欲噬而謚尤甚

博物志徐君宮人姪娘而產郊以為不祥棄於水濱孤獨老母
有犬名鵠蒼獵於水濱得所棄郊啣以來歸獨母以為異覆煖
之遂蛻螂成小兒生時正偃故以為名徐君宮中聞之乃更錄
取收養長而仁智襲君徐國後鵠蒼臨死更生角而九尾實黃
龍也偃王葬之徐梁界中今名狗壘鵠蒼或名后蒼

搜神記孫權時李信純襄陽人家養一犬字曰黑龍愛之尤甚
忽一日於城外飲酒大醉歸家不及卧於草中時遇太守鄭瑁
出獵見田草深遣人縱火焚之信純卧處恰當順風犬見火來
乃以口搜純衣純亦不動卧處比有一溪相去三五十步犬即
奔往入水濕身走來卧處週迴以身濕之獲免
元康中委

縣瑾懷家忽聞池中有犬聲視之得犬子雌雄各一長老云此名犀犬得之者富

會稽勾章氏張然滯役在郡經年不得歸家有少婦遂與奴私通然在郡養一犬甚快名烏龍後假歸奴與婦謀欲得殺然盤中肉飯與狗狗不取唯注睛舐脣視奴然亦覺之大喚曰烏龍狗應聲咋奴頭然因取刀斬奴以婦付官殺之

晉五行志大興四年廬江瀋縣何旭家忽聞地中有狗子聲掘之得一母犬青釐色狀甚羸瘦走入草中不知所在視其處有

二犬子一雄一雌哺而養之雌死雄活及長為犬善噬野獸其後旭里中為蠻所沒子地中有犬名曰地狼夏邑志掘地得犬名曰賈

雜五行志天虎文南斗君六也畜之可致萬石黑犬白耳犬王犬也畜之令富貴黑犬白前兩足宜子孫白犬黃頭家大吉黃

大白尾代有衣冠黃犬白前兩足利人
梁書徐勉為侍中時師方侵魏候驛填委勉參軍書動經數旬

一還家群犬驚吠勉曰吾憂國忘家以至於此吾亡後亦是傳中一事也陸機仕洛戲語犬曰我家絕音書汝能馳往否犬搖尾應聲機作書繫之犬頸後犬死葬之呼為黃耳塚

幽明錄晉大興二年吳人華隆好獵養一快犬號曰的尾常時自隨隆後至江邊伐荻犬暫出渚次隆為大蛇圍繞周身犬還

便咋蛇蛇死隆伏無所知犬彷彿涕泣走還船中復反草中同伴怪所以隨往見隆悶絕將歸家二日犬為不食隆復蘇乃始

進飯隆與愛惜同於親戚
宣室志神龍時唐休景為相有門僧出言多中一日謂休景曰

公有大禍不遠數月然可以禳之公懼而問計僧曰可於卑冗
官中孤寒有才幹者用爲州曹因得張君爲之乃問所爲僧曰
張君赴部之時當令求二犬高數尺而神駿者張到郡即求得
二犬高四尺獻之休景大悅召僧視之僧曰極善育後旬日有
二刺客爲犬所嚙而斃

古今詩話淳化中合州貢桃花犬甚小而性急常馴擾于御榻
之側每坐朝犬必掉尾先吠人乃肅然太宗不豫此犬不食及
上仙號呼涕泣瘠瘦章聖初即位左右引令前導鳴吠徘徊常
若不忍章聖令諭以奉陵即垂尾飲食如故詔造大鐵一籠施
素裯置鹵簿中李至作桃花犬歌以寄史官錢若水末句云白
麟赤鳳且勿喜願君書此懲浮俗

東國客談唐伯剛云北方凡皂雕作巢所在官司必令窮巢探
郊多寡若三枚必設且以守之及其出一乃狗也取而飼卷之
長則獻之朝廷與常犬無異但耳上多羽毛耳田獵之際離則
上飛狗則陸行所遂同至名曰鷹背狗

宋濂集新昌黃琛甫有牝犬爲邏卒所食棄骨屏處其子啣之
瘞諸野予聞撫髀太息每舉諭諸人人輒笑予誕且謂古無是
事者昔譙縣崔仲文畜大會稽石和以丁奴易之不從和殺仲
文奪其犬大齧和守仲文屍爪浮土掩之尋牽和衣訴官和伏
誅此晉義熙中事也冀州石玄度犬母育一子愛之甚玄度烹
子食之母候骨投地歛置一窟移塋於桑間日夕向桑嗥逾月
乃止此宋元徽中事也謂無是事此過矣夫犬能禦盜斷姦解

以子功論於朝則為遼東白豕也

符子胡人獻燕昭王以大豕曰非大豕不居非人便不珍今百

二十年矣人謂豕仙王乃命豕宰養之如不勝其體燕相曰奚

不烹之王命宰夫膳之夜見夢於燕相曰造化勞我以豕形食

我以人穢吾患其生久矣今仗君之靈得化吾生始得為魯津

之伯時燕相遊魯津有赤龜捧璋以報

宋書廢帝在時因諸父

籠盛而稱之號為猪王嘗以木槽盛飯

內諸雜食令之口是槽中食為歡笑

高士傳孫期濟陰人少為諸生家貧事母至孝牧豕於大澤中

以奉養為遠人往從其學者皆執經墜畔以追之里落化其仁

讓黃巾賊起過其里陌相約不犯

公汝穆嘗養猪有病使人賣

買者言病我取其直賣者到市即售亦

不言病其直過價穆齎十直以還之

舍宅為歸覺寺合家人入道焉

祿山事蹟安祿山嘗夜宴醉卧化為異猪而龍首左右遽言之

玄宗曰猪龍也無能為者

闕史咸通初有渤海僧隆多羅者寓于西明精舍能通鳥獸之

言一日秋暑方炎朝客數人將納涼于城西別墅路逢牝豕引

諸豚而行咯咯有聲一朝士戲云此猪有語否僧曰巨塊顧諸

雛云行行向前樹陰下吃妳料其不遠當遇官槐而止且飼群

子矣偵之果然

洞微志僧辨聰遊五臺將還京師有老僧託以書其上題云東

洞微志僧辨聰遊五臺將還京師有老僧託以書其上題云東

洞微志僧辨聰遊五臺將還京師有老僧託以書其上題云東

洞微志僧辨聰遊五臺將還京師有老僧託以書其上題云東

洞微志僧辨聰遊五臺將還京師有老僧託以書其上題云東

洞微志僧辨聰遊五臺將還京師有老僧託以書其上題云東

京城比尋勃賀分付僧竊啓封脉之云度衆生畢早來苟更強住切恐造業復封之至京尋訪不見其人一日於五丈河側見一小兒逐一大猪名勃賀屠者趙氏猪能令群猪不亂逸愛食薄荷故以名僧試呼其名以書投之猪遽食其書人立而化僧徑之五臺訪其老僧亦化去矣

通紀正德十四年冬有旨禁人民不許養猪違者永遠充軍以

俗呼豕爲猪音同國姓且信佛法也暈苑桂林風俗日食豕有宋中朝爲御史者或戲之

曰汝之居乃蛙臺也御史答曰此非蛙名主豕而已然較主豕之奉養豈不勝於黑面即哉黑面即謂猪也

猫

酉陽雜俎猫目睛旦暮圓及午豎斂如緹其鼻端常冷唯夏至一日暖其毛不容蚤虱黑者閭中逆循其毛即若火星俗言猫

洗面過耳則客至楚州射陽出猫有褐花者靈武有叱撥青驄

色者猫一名蒙貴一名烏圓平陵城古譚國也城中有一猫常

帶金鑲有錢飛若蛺蝶唐書高宗后王氏及良娣俄爲武氏所移良娣罵曰我後爲猫使武后爲鼠吾

當拒其喉以報後武后聞之不悅詔六宮毋畜猫

唐書崔祐甫爲中書舍人朱泚軍中猫鼠相乳表其瑞宰相常

袞率群臣慶賀崔祐甫獨否曰可乎不可賀代宗問故因獻猫

鼠議

司徒北平王家猫有生子同日者其一母死有二子飲於死母

乳其鳴咿咿其一母方乳其子聞之走啣其子置於棲乳之若

其子然

僉載隋大業之季猫鬼事起家養老猫爲厭魅頗有神靈通相

誣告京師都縣被誅戮者數千餘家蜀王秀皆坐之隋室既亡
其事亦寢

南部新書蓮山張大夫搏好養猫衆色備有皆自製佳名每視
事退至中門數十頭曳尾延頸盤接入以綠紗爲幃聚其內以
爲戲或謂搏是猫精

邵思野說江南二徐大儒也後主岐王六歲戲佛像前有大瓠
璃瓶爲猫所觸刮然墮地因驚得疾薨詔錯爲墓誌錯謂鉉曰
此文章雖不引猫事此故實况頗記否鉉爲疏二十事錯曰適
已憶七十餘事鉉曰楚金大能記明旦又云夜來復得數事况
撫掌而已

續墨客揮犀鄱陽龔冕昆仲自言其祖紀與族人同應進士舉其
家米妖競作乃召女巫徐姥者使治之時尚寒有一猫正卧爐
側家人指謂姥曰吾家百物皆爲異不爲異者獨一猫耳於是
猫亦人立拱手而言曰不敢姥大駭馳去後數日捷音至二子
皆高第矣知妖異未必盡爲禍也

泊宅篇和州烏江縣升中寺僧有負主僧券久而不償病且革
誓爲畜產以報既卒主僧晝寢夢病僧披衣槃跏入床下覺而
異之須臾猫生一子稍長極馴擾其重七八斤每客至則歡迎
走報見非其人者輒謹隨入有知呼其名必前怒噬至主僧呼
則昂首號呼若求隱其事者

宋有盧仙姑者指猫而問蔡京曰
識之否此章惇也其意蓋以諷蔡

京唐李義府
號爲李猫

明興雜記洪武初天下官員三年一朝覲而兗州縣之老人亦

與馬某年上偶問老人曰朕將築室於後湖之中以為藏黃冊之所然當何向乎一老人率爾而對曰此當東西向庶朝夕為日色所晒而黃冊無溢漑之虞上喜其對問何姓曰毛也審視之厥狀又類猫明日遂召至謂曰汝既謂朕定冊室之向朕今復勞汝老人此冊無俾鼠耗乃命一內侍引其地生理之至今後湖雖有鼠而黃冊無恙或曰老人新會人也景泰初西番貢一猫經過陝西莊浪驛福建布政使朱彰以事請驛丞彰館其貢使譯問猫何異而上貢使臣書示云欲知其異今夕請試之其猫盛以鐵籠納於空屋內明日起視有數十鼠伏籠外死蓋猫中之王也

鼠

說文鼠穴虫總名也凡鼠之屬皆從鼠鼯鼠鼯竹鼠也鼯豹文鼠入火不焚水鼠入水不溺鼯鼠鼯鼠胡地風鼠也鼯鼠地

中行伯勞之所化也

鼯鼠五技而窮能飛不能上屋能緣不能

不能先人莊鼯鼠飲河不過滿腹

尹文子鄭人謂玉未理者為璞周人謂鼠未腊者為璞周人乃懷璞問鄭賈曰欲買璞乎賈曰欲出其璞視之乃鼠也因謝不取上清經馬牟為靈薪老鼠為玉璞

史記李斯年少時為郡小吏見吏舍廁中鼠食不潔近人犬數驚恐之斯入倉觀倉中鼠食積粟居大廡之下不見人犬之憂於是李斯乃嘆曰人之賢不肖譬如鼠矣在所自處耳

漢書張湯其父為長安丞出外湯為守舍而鼠盜肉其父還怒乃責湯湯屈隧得盜鼠及餘肉劾鼠掠治具獄磔堂下其父見之視其文辭如老吏大驚田蚡怒謂韓安國曰與長孺共二禿翁何為首鼠兩端注首鼠一前一却

也

神異經北方層冰萬里厚百丈有磳鼠在冰下土中其形如鼠食冰草木根肉重萬斤可以作脯食之已熟其毛長可八尺可以為蓐卧之可以却寒其皮可以蒙鼓其聲千里有美尾可以來鼠

魏志公子蒼舒冲惠時軍國多事用刑嚴重太祖馬鞍在庫為鼠所嚙庫吏懼罪必死議欲面縛首罪猶慮不免冲謂曰待三日中然後自首冲於是刀穿单衣如鼠嚙者謬為失意貌有愁色太祖問之冲對曰世俗以為鼠嚙衣者其主不吉今衣見嚙是以憂戚太祖曰此妄言耳無所苦也俄而庫吏以嚙鞍聞太祖笑曰兒衣在側尚嚙况馬鞍懸柱乎一無所問

王肅以銅為逐鼠丸

博物志唐公房舉宅升仙鷄犬皆去唯老鼠惡其不淨不將去鼠自悔一月三吐易其腸來廣微所謂唐鼠

幽明錄魏中山王周南為襄邑長有鼠從穴出語曰王周南爾以某日死周南不應鼠還穴後至期更冠幘皂衣出語曰周南汝日中當死又不應鼠復入穴斯須更出語如前日適欲中鼠入須臾復出復入轉更數語如前日適中鼠曰周南汝不應我復何道言絕顛蹙而死即失衣冠取視具如常鼠

玉泉子進士李昭嘏舉十上不第時主司晝寢忽窺見一軸文卷在枕前看其題處乃昭嘏之卷令遷於架上復請暗視有一大鼠取其卷啣其軸復還枕前再三如此昭嘏來春及第主司

問其故乃三世不養貓皆云鼠報

酉陽舊說鼠王其溺精一滴成一鼠一說鼠母頭脚似鼠尾蒼

口銳大如水牛性畏狗溺一滴成一鼠時有鼠災多起於鼠母

鼠母所至處動成萬鼠其肉極美

桂苑叢談僖宗末廣陵丐者杜可均嘗大雪訪街西酒家姓樂

者求飲見主事者曰人以衣被換酒收藏不謹鼠噬其衣杜即

令治淨室曰頃年記一符能却鼠試書之既有驗可書此家無

鼠矣主得符焚之鼠遂絕晉淳于智善厭勝劉柔夜卧鼠噬其

為君使其反死乃以朱書手作田字使露手卧明且有大鼠伏死手前

葆光錄陳太者家貧好施嘗夜見一白鼠雪色緣其樹或上或

下久之揮而不去陳太言於妻子曰衆言有白鼠處即有燕遂

掘之果獲白金五十錠

錄異記白鼠身毛皎白耳足紅色眼睚赤赤者此乃金玉之精伺其所出掘之

嶺表錄異紅飛鼠多出交趾及廣管瀧州背腹有深毛茸茸然

惟肉翼淺黑色多雙伏紅蕉花間採捕者若獲一則其一去

南中婦人皆買而帶之以為媚藥

鼯鼠首尾如鼠色青黑短足百指形大重千餘斤出零陵郡界

不知所來民有災及為惡者鼠輒入其田中振落毛衣皆成小

鼠食其苗稼而去或捕得鼯鼠者治其皮合為帶頗能滿篋為

其三毛出於一孔與常有異人多寶之

交州記竹獮者食竹之鼠也生於深山溪谷竹林之中無人之

境非竹不食巨如野狸其肉肥脆山民重之蘇子瞻詩野人獻

竹貂腰腹大如盃自言道旁得採不費置網鳴夷讓圓滑混沌
麩腹爽

天中記宣大間產黃鼠土人珍之凡捕之者必畜鬆尾鼠數隻

各夜猴兒能嗅黃鼠穴知其有無有則入嚙其翼而出嶺南人食鼠謂

之家鹿有拱鼠如常鼠行田野中見人即拱手而立人近欲捕之即跳躍而去秦川有之

粟苑洪武初中書左丞王溥微時與母避貴溪山中旋失其母

所在入國朝已十五年思母不置每夢母告以所在命卜者筮

曰非巖非穴厥得朽骨因躬率士卒入山求之哀號三日夜有

居人能言母避兵時病不能行即投井死乃披荆榛覓井忽有

鼠自井中躍入溥懷旋復入井乃浚井索之遂得母骨葬焉嗚

呼謂孝誠不能感天者觀此可見矣

言獸

白居易贊獬者象鼻犀目牛尾虎足生南方山谷中寢其皮辟

瘟圖其形辟邪按山海經此獸食銅與鐵贊曰邈哉奇獸生于

南國其名曰獬非鐵不食昔在上古人心忠質征伐教令自天

子出劍戟省用銅鐵羨溢獬當是時飽食終日三代以降王法

不一鑠鐵為兵範銅為佛佛像日益兵刃日滋銖銅寸鐵罔有

不遺悲哉此獬母乃餒而嗚呼匪獬之悲惟時之悲

談苑被類鼠而大尾長金色川峽深山中人以藥箭射之取其

皮為卧褥鞍被坐毯之用甚愛其尾既中其毒即嚙斷尾以擲

之惡為身患杜詩云被擲寒條馬見驚蓋輕捷喜緣獺獺之類

筆談至和中文趾獻麟如牛而大通身皆大鱗首有一角考之

記傳與麟不類當時有謂之山犀者然犀不言有鱗莫知其的
 回詔欲謂之麟則慮夷獠見欺不謂之麟則未有以質之止謂
 之異獸最爲慎重有體今以余觀之殆天祿也按漢書靈帝中
 平三年鑄天祿蝦蟇于平津門外注云天祿獸名今鄧州南陽
 縣北宗資碑旁兩獸鐫其膊一曰天祿一曰辟邪元豐中余過
 鄧境聞此石獸尚在使人墨其所刻天祿辟邪字觀之似篆似
 隸其有角鬣大鱗如手掌十洲記月支國獻猛獸兩目
 如天磯 犖之交光名辟邪
 契丹北境有跳兔形皆兔也但前足纔寸許後足幾一尺行則
 用前足跳一躍數尺止則蹶然仆地生於契丹慶州之地大莫
 中余使虜日捕得數兔持歸蓋爾雅所謂蜃兔亦曰蜃蜃巨驢
 樂善錄猩猩依形人面容顏端正正在封谿山谷間百十爲群共

相語言纚纚可聽聞之者無不欲飲性喜酒且好殺人因以張
 之猩猩一見乃知張已及其祖先姓字必呼名罵曰奴輩欲設
 此張我耶酒屐于我亦何愛而爾乃爲此我今捨爾而去爾將
 柰何既而群聚歡飲竟致醉倒取屐而着人乃掩羣得嗚呼酒
 屐之於猩猩亦猶利欲之于人也猩猩知酒屐之禍已而不免
 死酒屐之中人知利欲之喪真而不知趨利欲之外但知猩猩
 之不能割棄所好而不知猩猩亦將笑吾之念念戀乎火坑也
 博物志漢武帝時大苑之北胡人有獻一物大如狗然聲能驚人
 人雖犬聞之皆走名曰猛獸帝見之怪其細小及其出苑中欲
 使虎狼噬之虎見此獸即低頭着地帝爲反觀見虎如此意爲
 下頭作勢起搏殺之而此獸見虎甚喜舐唇搖尾徑往虎頭上

立因搦虎面虎乃閉目低頭匍匐不敢動搦鼻下去下去之後
虎尾下頭起此獸顧之虎輒閉目

蜀山南高山下上有物如獼猴長七尺能人行健走名曰猴獲
一名化婦女有好者輒盜之以去人不得知其年少者終身不
得還十年之後形皆類之意亦迷惑不復思歸有子輒俱送還
其家產子皆如人有不食養者其母輒死故無敢不養也及長
與人不同皆以楊姓故今蜀中西界多謂楊率皆猴獲化之子
孫時時相有獲爪者

酉陽獬飲其血可以見鬼力負千斤笑輒上吻掩額狀如獼
猴作人言如鳥聲能知生死血可染緋髮可爲髮宋建武高城
郡進雌雄二頭王繪圖作費費又有生生都郭所貢狀若黃犬

人面能言

述異記獬獬獸中最大者龍頭馬尾虎爪長四百尺善走以人
爲食遇有道君即隱藏無道即出食人

封微山中有怒毛獸若不噴毛短三寸若噴毛長三尺

癸辛雜志邕宜以西南丹諸蠻皆居窮崖絕谷間有獸名曰墊
婆黃髮垂髻跣足裸身儼然一媪也上下山谷如飛徠自腰以
下有皮累垂蓋膝若犢鼻力敵壯夫喜盜人子女然性多疑畏
罵已盜必復至失子家窺疾之其家知爲所竊則集隣里大罵
不絕口往往不勝罵者之衆則挾以還之其羣皆雌無匹偶每
遇男子必負去求合嘗爲健夫設計擠之大壑中展轉哮吼脛
絕不可起往往人集衆刺殺之至死以手護腰間不置剖之得

印方寸瑩若蒼玉字類篆符不可識非鑄非鏤蓋自然之文然亦竟莫知其所寶為何用也周子功景定間使大理取道于此親見其所謂印者

升菴集皇甫松大隱賦書抽虎僕射用牛翯博物志有獸綠木文似豹名虎僕毛可以為筆今俗名九節狸張季文常以此筆見貽信為佳也

山海經萬萬如人面唇黑長身有毛反踵見人則笑笑則上唇掩目交廣及南康山中有大者長丈餘俗呼為山都

祖陽之山有獸狀如馬而白文頭如虎而長尾其音如謠其名曰鹿蜀佩之宜子孫

霍山有獸其狀如狸而白尾有鬣名曰肫肫養之可以已愛

鉤吾之山有獸狀如羊身人面其目在腋下虎齒人牙其音如嬰兒名曰養養又名狍鴉能食人

南州異物志交州以南有果然獸者其名自呼身如猿犬齒通身白色其體不過三尺而尾長四尺餘反尾度身過其頭視其鼻仍見兩孔作向天其毛長柔細滑集十皮可得一尊

少者在後得果食輒與老者似有義馬劍南人得一果然數十可得何哉果然有傷其類者聚族悲啼雖殺之不去即禽獸之狀而人心也九真人號曰歌然

說文 狔獸無前足出漢津能捕豺狔購百錢一名豹

南越志 昔有懶婦睡機上姑怒遂走投水化為獸一枚可得脂三四斛燃之照紡績則暗照歌舞則明習懶之性不單也

漢書古者天子常以春祠用破鏡狀如黃要食父

蜀地志黃要一名墀微鼬身狐首生子長大則逐其母

風土記石毅似貉而形短常捕取猴猿

後漢書章帝章和元年安息國遣使獻獅子名桃拔形似麟而無角

神異經崑崙西有獸其狀如犬有兩目而不見兩耳而不聞有腹而無五臟有腸直而不旋食而徑過人有德行而往抵卑之人有凶惡而往依憑之天使其然名曰渾沌一名無耳一名無心空居無常咋尾回轉向天而笑

西北方有獸其狀似虎有翼能飛便勦食人知人言聞人鬪輒食直者聞人忠信輒食其鼻聞人惡逆不善輒殺獸往饋之名曰窮奇

西荒中有獸焉其狀似虎而大毛長三尺八面虎足猪口象牙尾長一丈八尺攪亂荒中名構杙一名傲狐一名難馴

外國志招賢獸出摩伽陀國性善不觸人形如獅子若國人見賢良相訪則出現

地理志獨步獸出良州形如獅子頭尾虎豹文身黃一角行有意氣故名獨步食草木可以辟羣魅

河南通志雍州縣田阜之間多有之淮南子曰雍為曲穴陰以防兩景以蔽日此亦獸類之智也

神異經獺獸名形如獅子北方大荒中所出咋人則疾名曰獺獺者恙也食人垂也善食人心上古之時嘗入人室屋黃帝殺之故今人無憂疾謂之無恙蓋取此義

桂海志山獺性淫毒凡山中有此物諸牝獸悉避去獺無偶其

骨能解箭毒中箭者研其骨少許敷治立消但殺死者功力甚

劣抱木而枯死者奏功最妙洞獠尤貴重之一枚值金一兩私

貨出界者罪至死俗傳為補助要藥土人號之曰插翅方春時

獠女數十歌嘯山谷以尋藥挑菜為事獺聞婦人氣必躍升其

身次骨而入牢不可脫因扼殺之而藏之粟苑輶輓田地野馬或與蛟龍交遺精入

地久之發起如笋上豐下餘鱗甲備比筋脉連綿其形類男陰名曰鎖陽即肉菴蓉之類或謂里婦之淫者就合之宜得陰氣勃然怒長土人掘取洗滌去皮薄切晒乾以充藥貨功力百倍於菴蓉也

粟苑餘茂山有獸如兔鳥喙鷓目蛇尾遇人則鳴現則蝗虫為

害名曰仇偷

羆獾似狸能捕獸而猶畏虎

羆獾猛獸豹屬今人號雄兵曰羆獾

斂山有獸如羆名當庚其鳴自呼現則天下太平

櫻如獸名狀如鹿而白尾馬足人手四角皋塗之山多出焉

草上飛番名昔雅鍋失有大犬之形渾身儼似玳瑁班貓樣兩

耳尖黑純不惡若獅豹等項猛獸見他即伏於地乃獸之王也

史高紀云吾非敢自愛恐能薄正義曰能材能也者獸形色

似熊足似鹿為物堅中而強力故人之有賢材者皆謂之能也

代醉編獸雙名者招搖往往伏行人走食之善走始逢微微見

則大旱空桑軫軫見則天下大水泰山洞洞見則如豚而有珠

黍獻辣辣三角一目目在耳後放臯文文狀如蜂枝尾反舌善

呼攷山海經譙明之山有獸狀如貍而赤豪名曰孟龜其音如

榴榴亦獸也又拘狀之山有獸曰從從如犬六足磴山有獸曰
筱筱狀如馬羊目四角牛尾見則國多狡客

霄霄瓜哇國山中多猴不畏人呼以霄霄之聲投以果大猴二
先至主人謂之猴王猴夫人食畢羣猴食其餘

升庵集肇慶有騰豸嶺山產騰豸狀類木猴頭正方類人髮長
尺餘常覆其面欲有所視輒搖頭以手披之佛書所謂野干即
此

